

# QUÆSTIO MEDICA EAQUE THERAPEUTICA,

PROPOSITA  
AB ILLUSTRISSIMO VIRO D. D.  
PETRO RIDEUX

Regis Consiliario & Medico, nec-non in alimã  
Monspelienſium Medicorum Academiã  
Professore Regio digniſſimo.

SUB HAC VERBORUM SERIE

*An Dysenterie Narcotica.*

Quam Deo favente, & auspice Dei-parã propug-  
nabit in Auguſtiſſimo Monſpelienſis Apolliniſ  
Fano, die        menſis Maii 1715. ab horã octavã  
ad meridianam, PETRUS LACHAU Argentacen-  
ſis Vice-Comitatus Turrenſis, Artium Libe-  
ralium Magiſter, & jamdudum Medicinæ Stu-  
dioſus.

*Pro primã Apollinari Laurea Conſequendã.*



MONSPELII,

Apud HONORATUM PECH, Regis, Univerſitatis,  
Cleri & Urbis Typographum.

---

M. DCC. XV.



# DISPUTATURI

## PROFESSORES REGII,

R. D. Franciscus Chicoyneau, *Cancellarius.*

R. D. Joannes Bezac, *Decanus.*

R. D. Petrus Chirac.

R. D. Petrus Magnol.

R. D. Antonius Deidier.

R. D. Antonius Magnol, *Patris Coadjutor.*

R. D. Jacobus Chattelain.

## DOCTORES AGGREGATI,

R. D. Joannes-Henricus Haguenot.

R. D. Henricus Haguenot, *Patris Coadjutor.*

## DOCTORES ORDINARII,

M. Eustachius Marcot.

M. Jacobus Lazerme.

M. Antonius Fizes.

M. Franciscus-Germanus Prevost.

M. Claudius Ludovicus Perrand.


M. Thomas Martin.

M. Antonius Menar.

M. Guillelmus Rey.

M. Moyſes Rey.





# QUÆSTIO MEDICA.

## *An Dysenteria Narcotica.*

**D**Ysenteria à parte affectâ intestinîs scilicet nomen habet, & quidem generale hoc nomen est, nihilque aliud per se quam intestinorum difficultatem significat, & hoc modo pluribus affectibus, in quibus intestina torquentur & affliguntur tribui posset, usus tamen invaluit, ut accipiatur pro dejectione alvi frequenti & cruentâ dolore ventris seu torminibus stipatâ, se prodit crebro alvi fluore, cum gravi doloris sensu & molestâ cupiditate desidendi, sæpe in initio magna bilis copia excernitur, aut nihil penè nisi mucosum quiddam pingue viscidum, mox pars serosa sequitur, tum rumpuntur venulæ & cruor manat: Continui dolores nec diu nec noctu quieti tempus relinquunt, variè se jactat æger, sui que impatiens, cibos fere omnes haustusque respuit, diris hujusmodi symptomatis accedunt anxietas, ventris inflatio, sitis ardens, ructus importunus, nausea inutilis, non procedit Dysenteria sine febre, quæ licet primis temporibus satis obscura, sensim tamen emicat & invalescit, perseverante morbo crescit omnium symptomatum vigor, vires magnoperè prostrantur, tumorque œdematosus, pedes, manus, faciemque defælat, cæteris partibus veluti marcore consumptis, dejectiones



fiunt variegatæ, virides, loturæ carniū non ab-  
similes, & sæpe purulentæ, Dysentericus ad ex-  
tremum usque spiritum mentis compos permanet,  
dum tetra hæc lues per alvi regionem grassatur; hic  
affectus in castris multum familiaris plerumque  
Epidemicus Autumno & Æstate sæpius, Hyeme  
& Vere rariùs in juvenes maximè, nonnunquam  
tamen in senes etiam grassatur.

Plures decepti specie veri, veterumque opi-  
nionem nimis sectantes, Dysenteriam esse intesti-  
norum exulcerationem contendunt, pus & pin-  
guedinem excerni putant, dum tamen excernun-  
tur humores qui calore immutati albescunt, vis-  
cidi fiunt, factâque sanguinis mixtione vertuntur  
in mucum sanguinolentum, nam sicuti bronchia-  
lis humor vertitur ab inflammato pulmone in  
sputa crassa, viscida, alba, flava, sanguinea, ita  
& intestinalis humor ab inflammatis intestinis  
vertitur in mucum crassum, viscidum, album &  
sanguinolentum, idem patitur intestinum in Dy-  
senteria ac pulmo in Peripneumonia, singulæ illæ  
partes præternaturam calent, dolent, irritantur ad  
frequentes contractiones, & sæpe pluries contra-  
huntur ad exiguam humorum excretionem, quia  
inflammantur. Certum igitur ratumque sit Dy-  
senteriam produci ab intestinorum inflammatione  
non verò exulceratione, quæ Dysenterix tantum  
inveteratæ adjungitur ut ex apertione Cadaverum  
manifestum est, quâ affectas partes, non molles,  
non corruptas, non exulceratas, sed integras &  
impensè rubentes repertas fuisse constat.

Fistula intestinalis ubique membranacea divisa



5  
in sex veluti partes quibus intestinorum numerus  
completur, ductum continuum à piloro usque ad  
anum constituens, inflammationi non minus obno-  
xia est quam ceteræ corporis membranæ, illius  
autem parte notabili inflammata, promptior vali-  
diorque fit totius canalis contractio, quia mate-  
riæ excrementitiæ promptius ad anum pelluntur,  
quoniam enim humores huc confluentes partem in-  
flammatam citra dolorem stimulare nequeunt, ne-  
cesse est ut liquidum spirituosum ad villos contrac-  
tiles cæterarum ductus intestinalis partium, celerius,  
uberiusque à cerebro avocetur, quo citior validior-  
que motus intestinorum peristalticus perficitur,  
præterea cum pars eo sensus exquisitioris sit, quo  
major est vasorum componentium tensio, nec sti-  
mulus parti intestinorum inflammatae applicatus  
concipi potest, quin sensus oriatur doloris, dolo-  
re igitur torquebitur æger, ubi primum humores  
intestinorum cavitatem perlustrantes ad partem in-  
flammatam pervenient, quoniam verò humores illi  
in Dysenteriâ à statu naturali recedunt, major  
etiam eis est ad stimulandum aptitudo, hinc Dy-  
senteriam dolor gravior comitatur, quo inflamma-  
ta intestini portio excruciatæ frequentes atque vali-  
das contractiones edit, quibus stimulum ultra pel-  
lere conatur, quas tamen arteriæ venulæque capil-  
lares sanguine æstuante nimis turgidæ haud valent  
repetere salvâ continui integritate, quapropter per-  
severante stimulo, & repetitis villorum partis in-  
flammatæ contractionibus, solvitur vasorum san-  
guiferorum continuïtas, in intestinorum cavitatem  
eruoer erumpit, & dejectio cruenta efficitur, ex va-



forum apertorum numero, amplitudineque par-  
 cior aut uberior effusio sanguinis repetatur, fœtor  
 verò ex humorum cum sanguine exeuntium putre-  
 dine. Sæpe verò sæpius redit molesta desidendi cu-  
 piditas, quia dolore inflammationem comitante  
 totus intestinorum canalis ad citatiores contractio-  
 nes dispositus, citius etiam humores contentos in  
 sua cavitate trudit, qui sæpe sæpiusque partem in-  
 flammataam attingunt. Nausea, ructus, cibi fasti-  
 dium, inappetentia & vomitus quæ fluxum dysen-  
 tericum comitantur, saburram in ventriculo con-  
 gestam supponunt, à quâ Dysenteria non rarò pro-  
 ducitur, aut quam ipsa semper producit, etenim  
 cum ventriculi & intestinorum eadem sit in chy-  
 lificatione officii societas, verosimile est labem tan-  
 tam intestinis inferri non posse salvo & integro  
 manente ventriculi officio.

Quandoquidem dolor gravis intestinorum inflam-  
 mationem consequitur, sine febre procedere, id est  
 sua tempora percurrere nequit Dysenteria, quia à  
 dolore agitati & uberius ad sanguinem confluentes  
 spiritus animales, aut vitiosus quidam succus intus  
 antea latens in actum deductus, febrilem fermenta-  
 tionem In sanguine parere possunt, ex eodem capi-  
 te deducuntur anxietates, vigiliæ, calor atque sitis,  
 quia dolore serum sanguinis dissipatur, stimulusque  
 sanguinis motui additur, & quoniam repetitis vi-  
 cibus tormina ventris frequenter recrudescent præ-  
 ternaturaliter succussi nervi somnum ab oculis ægro-  
 tantis pellunt, & anxietates non leves producant,  
 quibus vires paulatim evanescent, & novus veluti  
 vigor inflammationi additur, quia sanguis uberius



citiusque truditur ad partem inflammata[m] quo major vasorum turgescencia majorque infarctus produ-  
citur, sicque serpit inflammatio pluresque intesti-  
norum partes inficit, crescunt & tormina, dejec-  
tiones fiunt frequentiores, & tandem effuso sangui-  
ne in intestinorum substantiâ fætidum ulcus inflam-  
mationi succedit, ex quo pus in intestinorum ca-  
vum delapsum cum alvinis fæcibus per anum re-  
jicitur, sæpe tamen fit ut humor intestinalis à ca-  
lore inflammationem consequente in mucum vis-  
cidum, albumque conversus, puris naturam æmu-  
lans Medicos decipiat.

Facto intestinorum ulcere purulentæ partes san-  
guini permiscetur à quibus febris lenta, marcor,  
viriumque consumptio ingravescent, sanguinis tex-  
tura solvitur, partesque ejus volatiles dissipantur,  
hinc minor vasorum tonus, hinc difficilior humo-  
rum circuitus in extremitatibus præsertim, hinc hu-  
morum hærentia, & tumor ædematosus adnascitur,  
qui partes à corde remotiores facilius afficit dum  
cæteræ siccitate & marcore consumuntur. Verum  
hæc omnia ab inflammatione procedere non tan-  
tum ratio suadet, sed etiam experientia demonstrat,  
aperta enim Dysenteria defunctorum Cadavera (mo-  
do longior non fuerit ipsius duratio) nihil præter  
inflammationem in intestinis exhibent, pars enim  
inflammatione correpta inflata & innumeris vasis  
undequaque sanguine turgentibus rubra percipitur:  
Ex hoc aliquis objicere posset Dysenteriam ab in-  
flammatione non pendere, quia aut in omni inflam-  
matione non extravasatur sanguis, vel si extra vasa  
effundatur, in propria intestinorum substantia con-



rineri potest, sed duo sunt absolutè necessaria ad  
 fluxum dysentericum constituendum, tormina sci-  
 licet & sanguinis dejectio; ergo quoniam ab in-  
 flammatione tormina tantum non sanguinis dejec-  
 tio deduci possint, pater Dysenteriam inflamma-  
 tionem non esse tribuendam. Respondeo sanguinis de-  
 jectionem inflammationem intestinorum duplici de  
 causa consequi, primò propter innumeram arte-  
 riarum venarumque intestina perreptantium copi-  
 am; Secundò, propter continuas contractiones ad  
 quas humores stimulant & continuò huc conflu-  
 entes partem inflammataam determinant, cum enim  
 contractio nulla fieri potest, quin sanguis è vasis  
 contractis exprimatur, neque ipse exprimi possit nisi  
 facilem exitum ex arteriis in venas reperiat qui in  
 parte inflammata ipsi denegatur, necesse est ut san-  
 guis vasorum contractioni resistens, tantum resi-  
 liat in ipsa quantum ab ipsis premitur, verum pres-  
 siones illæ singulis momentis augentur, quia pars  
 inflammata frequenter ad contractionem irritatur:  
 Ergo necesse est ut venulæ aut arteriæ capillares vel  
 utraq; simul rumpantur, & sanguinem in intesti-  
 norum cavum effundant, & hæc est ratio cur tor-  
 mina semper præcedant sanguinis dejectionem, prius  
 enim est fieri inflammationem quàm aperiri vasa  
 partis inflammatæ, nec tamen negabo ita leviter  
 aliquando inflammari posse intestina, ut fluxus non  
 fiat dysentericus, quod à defectu stimuli inflam-  
 matam partem irritantis deduci poterit, aut quia  
 ita levis sanguinis circuitui fit obex ut exiguissima  
 ejus portio solummodo in intestinis hæreat. Verùm  
 ex hoc non negetur gravem intestinorum inflam-  
 mationem



mationem absque Dysenteria reperiri posse, quia gravis inflammatio magnam sanguinis hærentiam supponit, quæ sine vasorum ruptione fieri non potest.

Dysenteria epidemicè nonnunquam grassatur, & ab aëris aut alimentorum vitio procedere creditur, hæc enim miasmatum inquinata intestina afficere valentibus, partem illam præ cæteris afficiunt, sanguinis circuitum dupliciter sistendo, irritando videlicet, vel glandulas ductusque capillares quibus intestina componuntur obstruendo, unde magna oritur vasorum sanguiferorum adjacentium compressio, cæteræ causæ pari modo fluxum dysentericum pariunt, siue internæ seu externæ annumerentur: Ergo causæ omnes Dysenteriam producentes ob agendi modum ad duo genera commodè reduci possunt, irritantium videlicet, & glandulas intestinorum obstruentium, hanc causarum divisionem usitata Medicorum praxis confirmare videtur, qui Dysenteriam prout à variâ causâ procedit, in calidam & frigidam distinguentes diversa etiam methodo sanant; calida hæc dicitur quæ à causa irritante, frigida quæ ab obstruente ortum trahit, quia major calor irritationem quàm obstructionem consequitur, hinc cum diverso febris calorisque gradu, variaque symptomatum catervâ dysentericus fluxus procedit; hinc diversa medendi huic affectui necessitas.

Intestinorum inflammationem irritando pariunt, bilis exaltata & nimis mordax, ut vitellina, porracea, æruginosa, succus pancreaticus salsior, emetica aut purgantia validiora interius propinata, venena assumpta, quæ omnia dum per canalem in-



testinorum provoluuntur ipsorum tunicas potenter irritare apta sunt, cum enim sales quam plurimos contineant adeo potenter stimulant intestina, ut liquidum spirituosum ad villos illorum contractiles à cerebro hac irritatione copiosè avocatum, validè coarctet vasa sanguifera per tunicas ductus intestinalis dispersa, & liberum præpediat sanguinis ex intestinis exitum, & quoniam tunc arteriæ meseraicæ sanguinem ad intestina trudere non cessant? Quidmirum si perseverante aut frequentius recurrente irritatione sanguis in intestinis hædere cogatur, & hærendo ea inflammet: Idem accidit si materiæ glareosæ in cavitate intestinorum genitæ, aut huc è ventriculo delatæ salibus mordacibus refertæ intestinis agglutinentur & potenter irritent. Similiter dum succus lymphaticus in intestinis secretus falsedinis & actimonix particeps fit, inde irritatio intestinorum fiat oportet, nimio enim sensu interna intestinorum membrana gaudet, quàm ut humores mordaces aliquandiu intra se absque molestia continere valeat: succum verò intestinale acriorem efficiunt salium in massa sanguinis redundantia & in glandulis intestinorum præcipitatio, ut in curatione luis veneræ observatur, retenta insensibilis transpiratio, urina, fluxus menstruus, vel hæmorroidalis suppressa. Ad contrahendam inflammationem intestina disponunt alimenta falsa, acria, piperata, exercitia immodica, vigiliæ, animi pathemata vehementiora, febris ipsa, quatenus humores ad intestina confluentes, mordaces & salsos reddere possunt, vel quia sanguinem exagitando infarctum in



intestinis levi etiam dato obice efficere valent, nam quo sanguis celerius per vasa rapitur, eo citius uberiusque in parte ubi obicem reperit accumulatur.

Ex obstructione glandularum aut ductuum capillarium nascitur adhuc intestinorum inflammatio, quia inducta vasis adjacentibus compressione præpeditur sanguinis circuitus; ergo necesse est ut qualibet arteriarum pulsatione, quidpiam sanguinis detineatur, sed quoniam arteriæ indefinenter oscillant, sanguis etiam indefinenter in parte obstructa accumulatur, quo vasa prætermodum repleta inflammantur, huic humorum infarctui eo facilius succedit intestinorum inflammatio, quo obstruentes humores acrimoniæ cujusdam participes, vasa in quibus detinentur ad irritandum capaces sunt, crescit enim infarctus quo via sanguinis angustior fit, & ideo scorbutici, cæterique quorum massa sanguinis falsuginosa multum est simul & viscida, Dysenteriam faciliè corripuntur. Memoratam obstructionem solent inducere alimenta crassa & acidis referta humores inspissantia, ut fructus immaturi, austeri, vinum vapidum, herbæ crudæ sale conditæ, melonum glacie refrigerantium usus, lacticia, aquæ corruptæ, palustres, lacustres & quas aura liberior nunquam verberat, niveales, aut glacie vel nive refrigeratæ (potissimum si corpore calente post exercitium aut assumptum medicamen purgans epotentur) accedunt carnes, pisces, aliaque corrupta quæ comeduntur difficillimis temporibus & miserabili ciborum penuriâ, hinc Dysenteria ab obstructione in castris inter milites vul-



gò grassatur, sic fructus quidam ut mala persica in aliquibus regionibus Dysenteriam comedentibus afferunt. Hanc quoque glandularum obstructionem corrupti succi intra corpus latentes & ad intestina confluentes crassitie sua producant, sic fluxui hæmorrhoidali suppresso succedit aliquando Dysenteria.

*Diagnosis.* Tormina cum frequenti & cruentâ dejectione fluxum dysentericum constituunt, & à quolibet alio facilè distinguunt, non laborat Dysenteria qui sanguinem sine dolore dejicit, sed fluxu hepatico; dolente tantum podice tenesmus adest, & hunc comitatur inutilis dejiciendi conatus. In fluxu hæmorrhoidali sanguis fæces antecedit vel sequitur, in Dysenteria verò conqueritur patiens de dolore ventris, torquetur torminibus in umbilicali præsertim regione vagantibus, vel in colo circulatim savientibus. Fæces sunt præternaturam liquidæ, & sanguis eis est exquisitè permixtus. In fluxu hepatico, tenesmo, hæmorrhoidibus excrementa naturalem ut plurimum obtinent consistentiam, quæ verò intestina doleant his distinguere poteris; affectis gracilibus intestinis dejectiones longius à dolore profunduntur, & dolor circa umbilicum præsertim vagatur, crassis verò dejectiones dolorem proximè sequuntur, & iste circulatim in abdomine sævit. Ut dignoscas quæ fuerit procathartica morbi causa, diligenter perpende quæ Dysenteriam præcesserunt & comitantur, ægri temperiem, victus rationem, regionem, & anni tempestatem quoque considera, ex his debite perpensis quæ causa Dysenteria fuerit facilè



inferes , & ad morbi curationem rectè te accinges.

*Prognosis.* Intestinorum inflammatio serpit facile à parte in partem , crescit cum frequenti dejectione & singulis diebus ad partes vicinas extenditur , hinc incipiente Dysenteriâ mitia apparent symptomata quæ procedente morbo admodum sæviunt , plerumque resolutione , rarò suppuratione terminatur , ni affectus gravior & diuturnior fuerit , nam sicuti pulmonum inflammatio resolutione sæpè sæpius suppuratione vero rarò terminatur ita & Dysenteria. Hic affectus sanatu difficilis est , & inveteratus vertitur in abcessum vel ulcus intestinorum , ejus eventus dubius semper atque periculosus , diversè tamen statuitur ratione causarum & symptomatum. Dysenteria quæ ab humoribus acerbis producitur , maximè periculosa est imprimis si in corpore cachochymico aut male constituto fiat , citò tamen fugatur modo massa humorum à naturali suo statu nullatenus aut parum recesserit , si pertinax fiat & diuturna , febrem , anxietates , ventris inflationem , sitim , oris siccitatem , vigilias , virium prostrationem & insignem marcorem producit , quæ ab obstructione glandularum efficitur quanquam lentius procedere soleat , attamen non minoris est periculi , hæc sæpe in ulcus fætidum intestinorum convertitur & lenteriam parit , aut fluxum cæliacum. Quò frequentiores magisque sanguinolentæ fiunt dejectiones cum dolore atrocissimo , eò gravior pronunciatur Dysenteria , summus dejectionum fætor & variegatus color maximam intestinorum labem significant , ingens virium resolutio , maximum cibi



fastidium, vigiliæ indefinentes, marcor & consumptio partium, ventris inflatio læthalem Dysenteriam efficiunt. Fluxus dysentericus in tenuibus intestinis periculosior quàm in crassis, quia tenuia subtilioris sunt contexturæ, & exquisitioris sensus magisque chylicationis ministra quàm crassa. Dysenteria superveniens viribus à gravi morbo fractis læthalis est, ut quæ supervenit febribus malignis atque variolis. Convulsio ac delirium in Dysenteria mortem portendunt; senes & pueri hoc morbo sæpius percunt quàm adulti, quia in iis vires citius consumuntur.

*Curatio.* Hæc duo in curatione Dysenteriae agenda statim se offerunt; pacanda sunt tormina, & sanguis cohibendus, quæ feliciter perficientur, dummodo inflammatio à quâ procedunt tollatur, in eo enim positus est totus curationis scopus ut sanguis in intestinorum substantiâ præter naturam hærens resorbeatur (nec tamen neglectis quæ à viribus aut doloris vehementia indicari possunt) verum ut illud obtineri possit, causa inflammationis opportunè debellanda; quapropter diætæ convenienti præscriptâ, misso sanguine sufficienter, injectis Clysteribus anodinis & detergentibus, pacatis narcotico torminibus, attende an saburra ventriculi morbum foveat, incipienda enim esset curatio à vomitu præmissis premittendis, secus in pejus morbus rueret, viresque quotidie acquireret; quoniam verò superius dictum est humores irritantes vel obstruentes Dysenteriam efficere, ideo diversa sit methodus curandi, aliter enim sanandus est hic affectus dum ab humoribus acri-



bus, aliter à viscidis & obstruentibus productus: In primo casu Diæta sit, refrigerans, humectans & incrassans, Cremores oryzæ & hordei sæpius in die exhibendi, paretur Ptyzana cum Radice Symphiti majoris, Hordeo, Liquiritia, Semine Linæ, Floribus Malvæ, & aliorum hujusce generis, frequentes injiciantur Clysteres, cum Decocto Hordei, Lacte Vaccino vel Caprillo, Oleo Amygdalarum dulcium sine igne parato, Ovorum Vitellis, Mucilagine Seminis Cydoniorum & Psyllii jure pulli aut intestinorum vervecum in quo Folia Verbasci & Flores Malvæ leviter bullient, Emulsionem horâ somni cum Syrupis refrigerantibus & narcotico exhibeantur. Purgantia sint miria & virtute astringendi quadam donata, ut Rhabbarbarum, Mirobalani, Raponticum, Tamarindi, Manna aliaque hujuscemodi ex quibus decocta aut pulveres ad libitum parentur. Absorbentia demùm in usum vocanda, ut Corallum præparatum, Oculi cancrorum fluviatilium, Margaritæ præparatæ, Rheum torrefactum, ex quibus cum Conservis Cydoniorum, Rosarum, & Symphiti majoris diversas conficies Opiatas, quibus Laudanum admiscendum: ab Emeticis & fortibus Purgantibus te abstine, ne iis humores veluti effrenati acerbiores inducant parti inflammatæ dolores. Dum ulcus inflammationi supervenit, Therebentina in Ovi Vitello soluta per anum injiciatur, Lactisque usus cæteris præstat Remediis. Cum humores viscidæ glandulas intestinorum obstruendo Dysenteriam efficiunt, Purgantia sæpius repetenda, & Radix Brasiliensis Ipecacuanha dicta quater aut



quinq̄ies alternis diebus à scrupulo uno ad dracham semissem, vel scrupula duo præscribenda, præmissis præmittendis & Laudanum Opiatum dosi Convenienti horâ somni exhibendum Vinum tepidum per anum injectum non nunquam tunc prodest, Syrupus de Chycorco compositus cum Rheo, cui Rhabarbarum pulveratum adhuc additur, plures sanavit Dysentericos. Opiatæ absorbentes & astringentes feliciter adhibentur, sic Sanguis Draconis, Mastiches, Succus Acaffiæ & Hypocistidis, Bolus Armena, Sumach, Semen Thalictri, ab Authoribus commendantur; tandem post purgationes iteratas adhibeantur Narcotica, miros effectus præstant, nam specifica virtute quâ pollent tormina, & frequentes dejectiones semper Dysenteriam comitantia sedant. Ideò concludimus

*Ergo Dysenterie Narcotica.*